

victor id, quod obtinuerit parti adverſæ reſtituere teneatur, ſin reliqua producta ſemiplenam adhuc probationem conficiant, procedendum eſt, quemadmodum ſuperius de juramento a iudice deferendo præſcriptum fuit ; probe tamen obſervandum eum, qui Teſtes ad falſum jurandum induxerit, non ſolum adſtringendum eſſe, ad plenam indemnitateſ adverſario præſtandam, ſed inſuper etiam juxta ſanctionem legum criminalium peculiari pœna afficiendum.

C A P U T XXIII.

De Inrotulatione Actorum.

§. 261.

Omnibus ſcripturis cauſæ porrectis ultima adverſæ parti pro Inſpectione communicetur, & utrique parti dies octavus pro inrotulatione Actorum præſtituatur.

§. 262.

Si una pars scripturam debito tempore non porrexerit, adversa haud tardius triduo post lapsum termini inrotulationem Actorum petito. Judex vero desuper octavum diem utrique Parti ad hunc finem adsignato.

§. 263.

Quilibet Judex personam judicalem constituat, in cujus praesentia inrotulatio Actorum peragatur, & cujus simul erit, mandatas sibi inrotulationes in Registro, seu Protocollo accurate adnotare.

§. 264.

Quaelibet Pars scripturas a Parte adversa sibi communicatas, earumque allegata deponito, ac neutiquam depositionem aliorum admittere tenetur, neutra vero pars ad originalia, seu Autographa tradenda adstringi potest, nisi pars adversa vitium visibile illis objecerit.

§. 265.

Inrotulatio Actorum eo tempore, quo causæ in judicio audiri solent, exequenda, quodsi alterutra Pars post horam ab inchoato judicio nondum comparuerit, pars præsens inrotationem suscipiat, & non tantum communicata sibi ab adversario scripta cum documentis, sed & suasmet scripturas cum allegatis pro inrotatione deferat, quod si pars comparens allegata scripturæ suæ deponere non possit, ex eo, quod copiæ sibi defint, originalia autem judici deponere vel non velit, vel non possit: pro inrotatione Actorum tertius subsequens dies constituendus, absentis autem partis Advocatus multa afficiendus est.

§. 266.

Si ambæ partes emanent, quin declaratio causæ Inrotationem impediens ab ipsis Partibus subsignata porrigatur, hæc emanatio a persona judiciali ad inrotationem constituta judici indicanda, Advocatis utriusque

par-

partis congrua pœna dictanda, ac tertio subsequente die inrotulatio sub pœna duplici suscipienda est.

§. 267.

Super scripturis causæ, earumque allegatis Elenchus (Rotulus seu Directorium) rite conficiendus, isque a Partibus, et Persona judiciali, quæ Inrotulationi adfuit, subsignandus est, permissum nihilominus erit utrique parti, Rotulum domi conficere, atque sic præparatum asservare.

§. 268.

Si in ipsa inrotulatione controversia super depositione alicujus documenti enata fuerit, documentum controversum ad acta quidem deponendum, simul tamen contradictio partis adversæ adnotanda est.

§. 269.

Quoties judex inrotulationi actorum ipsemet non adfuerit, Persona judicialis ad eandem constituta acta inrotulata illi sine mora tradito.